

Memorandum o međusobnoj saradnji

zaključen između

Federalne agencije za upravljanje oduzetom imovinom

i

Agencija za reviziju privatizacije u Federaciji Bosne i Hercegovine

Prepoznajući zajednički interes za intezivnijom međusobnom saradnjom i koordinacijom aktivnosti, kao i povećanju transparentnosti

FEDERALNA AGENCIJA ZA UPRAVLJANJE ODUZETOM IMOVINOM (u daljem tekstu: Agencija) sa sjedištem u Sarajevu, ulica Put života broj 2, koju zastupa v.d. direktor Emir Bašić, s jedne strane,

i

AGENCIJA ZA REVIZIJU PRIVATIZACIJE U FEDERACIJI BOSNE I HERCEGOVINE (u daljem tekstu: Agencija za reviziju) sa sjedištem u Sarajevu, ulica Ustanička 11, koju zastupa direktor Vedad Duraković, s druge strane, a u daljem tekstu pod zajedničkim imenom „Strane potpisnice“ zaključuju:

M E M O R A N D U M o međusobnoj saradnji

Član 1.

Strane potpisnice ovog memoranduma, uvažavajući principe uzajamnosti i međusobne saradnje u preduzimanju aktivnosti svatko iz svoje nadležnosti, ostvarivat će kontinuiranu saradnju u skladu sa odredbama važećih zakonskih propisa.

Član 2.

Ovim memorandumom se određuju osnove saradnje, uloge, obaveze i odgovornosti potpisnika ostavljajući mogućnost da se kasnije dodatno, preciznije i detaljnije utvrđuje njegov sadržaj ili pojedini djelovi sadržaja.

Član 3.

Saradnja i tehnička podrška realizaciji predmetne aktivnosti ostvarit će se kroz načela partnerstva, transparentnosti, odgovornosti i međusobne informisanosti strana potpisnica putem unaprijed utvrđenog kanala komunikacije.

Član 4.

Revizija privatizacije državnog kapitala u privrednim društvima i bankama provodi se sa ciljem zaštite prava građana utvrđenih Ustavom Federacije Bosne i Hercegovine državne svojine u procesu privatizacije u Federaciji Bosne i Hercegovine i javnog interesa.

U skladu sa Zakonom o reviziji privatizacije državnog kapitala u privrednim društvima i bankama (Službene novine Federacije BiH, broj 55/10) „

ostalog, radi sprečavanja nezakonitog sticanja imovine/imovinske koristi u postupku privatizacije državnog kapitala, kao i oduzimanja nezakonito stečene imovine/imovinske koristi u postupku privatizacije državnog kapitala. Nezakonito stečena imovina/imovinska korist koja bude oduzeta pravomoćnom presudom suda predaje se na up

ravljanje Vladi Federacije Bosne i Hercegovine.

Član 5.

U skladu sa Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14) Agencija je, između ostalog, nadležna za upravljanje privremeno i trajno oduzetom imovinom. U okviru ove nadležnosti, Agencija upravlja sa privremeno i trajno oduzetim privrednim društvima, nepokretnom imovinom, pokretnom imovinom, dionicama, investicionim fondovima, novcem i drugo.

Član 6.

Strane potpisnice su se usaglasile da će međusobno ustupati raspoložive podatke i informacije do kojih dođu tokom provođenja svakodnevnih aktivnosti iz vlastitih nadležnosti.

Ustupljena dokumentacija može biti korištena isključivo u skladu sa zakonskim ovlaštenjima, odnosno nadležnostima Agencije.

Ustupanje i dostavljanje dokumentacije vršit će se prema pravilima kancelarijskog i arhivskog poslovanja u Agenciji za reviziju privatizacije u FBiH, bez naknade.

Oblast saradnje i tehničke podrške, kao i pružanje pomoći između strana potpisnica kroz redovnu razmjenu informacija i zajedničkih aktivnosti odvijat će se u okviru provođenja zakonskih odredbi koje se tiču oduzimanja, odnosno upravljanja nezakonito stečenom imovinom krivičnim djelom u Federaciji Bosne i Hercegovine.

Odredbe ovog memoranduma ne ograničavaju strane potpisnice u obavljanju aktivnosti iz njihove nadležnosti.

Član 7.

Strane potpisnice su dužne da podatke i ustupljenu dokumentaciju koriste isključivo u skladu sa svrhom i svojim zakonskim nadležnostima, te da podatke i dokumentaciju neće predati ili na bilo koji drugi način ustupiti trećim licima, u cjelosti ili djelimičnom.

Prilikom korištenja podataka i dokumentacije Strane potpisnice su dužne pridržavati se odredbi Zakona o zaštiti ličnih podataka i Zakona o zaštiti tajnih podataka.

Član 8.

Razmjena podataka i informacija će se vršiti putem službene korespodencije pismenim putem ili direktno prilikom sastanaka predstavnika potpisnika Memoranduma.

Član 9.

Ovaj memorandum stupa na snagu danom obostranog potpisivanja. Svaka potpisnica može u svakom trenutku raskinuti saradnju, na osnovu pismenog obavještenja upućenog drugoj strani.

Izmjene i dopune ovog memoranduma vrše se isključivo u pismenoj formi i uz saglasnost Strana potpisnica, zaključivanjem Aneksa.

Član 10.

Ovaj memorandum je potpisan u četiri istovjetna primjerka od kojih svaka strana zadržava po dva primjerka.

Član 11.

Memorandum stupa na snagu danom potpisivanja.

POTPISNICI MEMORANDUMA:

Federalna agencija za
upravljanje oduzetom imovinom

v.d. DIREKTOR



Emir Bašić

Broj: 01 – 04 – 38/24
Sarajevo, 12.01.2024. godine

Agencija za reviziju privatizacije
u Federaciji Bosne i Hercegovine

DIREKTOR



Vedad Duraković

Broj: 01 – 45 – 1 – 108/24
Sarajevo, 12.01.2024. godine